

### „Putovanje na kraj ulice“

„Putovanje na kraj ulice“ je kako kaže inicijatorica ideje, Minja Leko, „svojevrсна muzičko-informativna omladinska radio emisija koja je promovisala bh. grupe i muzičare, odnosno domaće urbane muzičke trendove“. Cilj je bio doprinijeti razvoju i očuvanju rock i alternativne urbane muzičke scene u Sarajevu. Polusatna emisija koja je u toku četiri mjeseca emitovana 80 puta na Studentskom eFM radiju iskorištena je i za predstavljanje aktuelnih aktivnosti i događaja omladinskih organizacija.

**Da li je tvoj projekat realizovan onako kako si prvobitno naveo u svom prijedlogu projekta? Ukoliko ne, navedi izmjene i razloge:**  
Projekat je realizovan onako kako je to navedeno u prijedlogu projekta.

**Da li je ispoštovan budžet projekta? Ukoliko nije molim te da navedeš izmjene kao i razloge za iste?**  
Budžet projekta je ispoštovan.

**Navedi i procjeni rezultat svake od projektnih aktivnosti?**

Emisija Studentskog eFM radija, Putovanje na kraj ulice, je koncipirana tako da slušatelje upozna sa radom i djelovanjem pojedinih bh muzičkih grupa i omladinskih organizacija.

Prema posljednjem zvaničnom istraživanju Studentski eFM radio sluša oko 100 hiljada slušatelja u dobi od 18 do 35 godina starosti.

**Da li si i u kojoj mjeri ostavario željeni rezultat sa svojim projektom?**

U periodu od četiri mjeseca ukupno je promovisano i predstavljeno preko 50 bh muzičkih grupa, omladinskih organizacija, muzičkih festivala i sl.

**Kakve promjene je tvoj projekat izazvao u tvojoj sredini?**

Emisija Putovanje na kraj ulice bila je informativnog i edukativnog karaktera kroz koju smo željeli skrenuti pažnju mladima na postojanje domaće urbane muzičke scene u cilju njenog očuvanja.

**Kakvo je tvoje iskustvo sa programom FOP te da li bi se ponovo prijavio ili preporučio drugima?**

Projekat SHL-a, Fond za omladinske projekte - FOP, je nešto što želimo preporučiti svima onima koji žele svoje ideje podijeliti sa drugima, a naročito onima koji su do sada nailazili na nerazumijevanje lokalnih vlasti.